



Møtebok

Sak nr 37/2009

Møtedato: 9.9.09

Møtestad: Slidretun

Arkiv nr: S 772

S 772, Nøsen – søknad om sel

SLF har oppheva fjellstyret sitt vedtak om tilleta oppføring av sel på 56 m² på stølen til Rune Øygard på Nøsen. Grunngeving for SLF sitt vedtak er at det ikkje er dokumentert behov ut frå drifta for ein slik bygningsmasse som det er søkt om. Det er også vist til at Oppland fylkeskommune og Statskog har tilrådd at selet blir bygd på i lengderetning.

For Rune Øygard er ei forlenging av eksisterande sel ikkje aktuelt alternativ. Etter hans syn blir dette ei svært upraktisk løysing og fjellstyret har støtta han i det ved tidlager behandling. Øygard søker derfor om å få rive eksisterande to sel for å føre opp att eitt nytt sel på ca 70 m² (BRA). Det er ikkje lagt ved teikningar av selet, og ein oppfattar søknaden som å få avklara om han får rive eksisterande sel og at han får prinsipielt avgjerd på om han får lov til å føre opp nytt sel.

Fjellstyret har den 24.4.09 oversendt søknaden til Statskog og Oppland fylkeskommune til uttale.

I brev datert 29.4.09 Statskog skriv at dei vil gi endeleg uttale når Oppland fylkeskommune har uttala seg til søknaden. Fjellstyret har ikkje motteke svar frå Oppland fylkeskommune.

I sak 20/09 gjorde fjellstyret slikt vedtak:

Fjellstyret ser at Oppland fylkeskommune har fått for kort frist for å uttale seg til søknaden, og utsett saka til neste møte.

Fjellstyret såg på saka saman søkjar, Statskog og Oppland fylkeskommune under befarung den 15.6.09. Søkjar opplyste at han vurderte å omdisponere det gamle selet til ei form for "museum" for støling og mjølkeproduksjon. Oppland fylkeskommune vil gi råd om utforming .

I e-post datert 19.8.09 endrar Øygard søknaden til å få omdisponere det gamle selet på Nøsen til et kulturminne med gamle gjenstander fra fortida som har med støling og mjølkeproduksjon å gjera. Målet er også å få satt i stand den gamle spannbilen. Samstundes opprettheld Øygard sin søknad om å få føre opp nytt sel. Teikningar er lagt ved søknaden. Prosjektet er teke opp med Østlandsmeieriet og Valdres natur- og kulturpark, men det er enno ikkje kome noko avklaring om dette er av interesse.

Oppland fylkeskommune har kome med merknader til utforminga og lagt ved ei alternativ utforming av nytt sel. Det er ikkje svara på verdisetting av det gamle selet og administrasjon har derfor bedt Oppland fylkeskommune om nærare utgreiing:

Fjellstyret har behov for ei meir klargjerande verdivurdering av det gamle selet og ynskjer ei tilbakemelding på følgjande spørsmål:

1. *Kan det tilråddast ei påbygging eller bør selet bevarast som eit sjølvstendig bygg?*
2. *Er det ev. mulig å få til eit påbygg av eksisterande sel slik at det både blir praktisk og at verdien av det gamle selet blir behalde?*
3. *Tilrå Oppland fylkeskommune at selet kan rivast dersom søkjaren ynskjer å gjera dette? Vi viser her til søknad frå i vår der dette var eit alternativ.*
4. *Fjellstyret ber Oppland fylkeskommune å prioritere kva som er beste løysing mellom:*
 - A. *Tilbygg på gamalt sel*
 - B. *Nytt sel og tilbakeføre det gamle selet til opphavleg utforming*
 - C. *Nytt sel og rive det gamle.*

Fjellstyret fekk tilbakemelding frå Oppland fylkeskommune at saksbehandlar er borte til 22. september.

Søknaden er sendt Statskog til uttale.

Øygard har i tillegg sagt seg villig til å tilbakeføre det gamle selet til meir opphavleg form. Det kan fjellstyret setja som vilkår om styret godkjenner byggesøknaden.

Omdisponering til "museum" kan ein kanskje rekne som småskala turisme. Oppføring av utradisjonelle bygg, til f.eks. til småskala turisme, krev jf. §1 i stølsforskrifta at ein har dyrehald i allmenningen på sumaren og at det må vera ei verksemda som bør krevje menneske til stades tilnærma kontinuerleg. Vidare skal verksemda framstå som ein rasjonell bruksform, og planane for verksemda må vere vurdert som hensiktsmessige og levedyktige av lokale landbruksmyndigheiter. Vilkåra etter §1 er ikkje oppfylt slik drifta er planlagt på garden.

Alternativ kunne huset stå pga kulturhistorisk verdi, men vi har ikkje uttale frå Oppland fylkeskommune som stadfestar slik verdi.

Vedtak

Det er ikkje lagt fram dokumentasjon som er nødvendig for å vurdere søknaden. Dette gjeld verdivurdering frå Oppland fylkeskommune og uttaler om etablering av "museum". Fjellstyret utsett saka til slik dokumentasjon er lagt fram.

Einstemmig vedtak.

Vestre Slidre fjellstyre den 21.9.09

Harald Ranum
sekretær

Utskrift: Rune Øygaard
Vestre Slidre kommune
Statskog
Oppland fylkeskommune